



KEMENTERIAN PENDIDIKAN TINGGI
JABATAN PENDIDIKAN POLITEKNIK DAN KOLEJ KOMUNITI



SIARAN MEDIA

‘Anugerah Teknikal Terbaik’ di FESTiVET 2025 Serlah Gabungan

Teknologi TVET KKSBB

PASIR GUDANG, 8 MEI 2025 - Unit Fesyen dan Pakaian (SFP), Kolej Komuniti Sabak Bernam (KKSBB) telah mengungguli “Anugerah Teknikal Terbaik” dalam Pertandingan International Design Award (IDeA) 2025 yang berlangsung di Dewan Tunku Laksamana Abdul Jalil, Politeknik Ibrahim Sultan, hari ini.

Lebih menarik, rekaan fesyen ini merupakan hasil kerjasama dengan Unit Teknologi Elektrik (SKE) KKSBB dalam menggabungkan Jaluran Diod Pemancar Cahaya (LED) ke dalam rekaan pakaian sebagai elemen keselamatan ketika bersukan pada waktu malam, di samping memberikan sentuhan gaya yang segar dan moden.

Pertandingan yang menentangkan projek pelajar ini telah berlangsung selama dua hari, bermula dengan sesi penilaian oleh para juri pada 7 Mei, diikuti dengan sesi peragaan dan penjurian pentas pada keesokan harinya.

IDeA 2025 telah menyaksikan sebanyak 67 penyertaan seluruh negara dan institusi TVET antarabangsa antaranya Islamic Fashion Institute Indonesia, Iloilo Science and Technology University, Universiti Teknologi Brunei dan Paramadina University.

Namun hanya 15 finalis berentap di pentas akhir melibatkan 8 institusi POLYCC serta 7 IPTA dan IPTS dari dalam dan dari luar negara, dengan bertemakan “To Achieve Excellence in Johor’s Heritage Fashion Through TVET Education, Elevating Johor Thread Fabric as a Global Identity,” dinilai oleh pereka fesyen tersohor Zalmi Zulkafli.

IDeA 2025 ini merupakan satu daripada empat program utama yang berlangsung sepanjang Festival IDeA TVET (FESTiVET) 2025 bermula 6 hingga 8 Mei 2025. Antara program lain yang dijalankan ialah reruai Jom Masuk POLYCC Peringkat Zon Selatan, Pameran VISCOM 40 dan Karnival Pembelajaran Sepanjang Hayat dengan mengangkat TVET ke peringkat lebih tinggi.

Hadir merasmikan majlis penutupan program ialah YB Aznan bin Tamin, Pengerusi Jawatankuasa Pendidikan dan Penerangan Negeri Johor diiringi Tuan Haji Ulaimi bin Yahya, Pengarah Politeknik Ibrahim Sultan (PIS), Pasir Gudang.

-TAMAT-

**UNIT KOMUNIKASI KORPORAT
KOLEJ KOMUNITI SABAK BERNAM
KEMENTERIAN PENDIDIKAN TINGGI
013-5227517
8 Mei 2024**